

古文苑

四

古文苑
卷四
四

古文苑卷第十五

揚雄百官箴

光祿勳箴

衛尉箴

太僕箴

廷尉箴

大鴻臚箴

宗正箴

大司農箴

少府箴

執金吾箴

將作大匠箴

城門校尉箴

上林苑令箴

司空箴

一作崔駰

太常箴

一作崔駰

尚書箴

一作崔瑗

博士箴

一作崔瑗

光祿勳箴

漢書百官表郎中令秦官掌宮殿掖門戶
武帝太初元年更名光祿勳屬官有大夫
郎謁者大夫掌議論郎掌
守門戶謁者掌賓贊受事

經北宮室畫爲中外廊殿門閨限以禁界國有

周衛

周官有周廬之衛謂衛士之廬舍周匝王宮也

民有蕃籬各有攸保

守以不岐

岐猶賁也一作敗

昔在夏殷桀紂淫酒特牛之

飲

劉向新序桀爲酒池糟隄縱靡之樂一鼓而牛飲者三千人三輔黃圖秦酒池在長安城中飲者皆抵牛

飲特字當作抵謂以手據地如牛

門戶荒亂郎雖執戟謁者參差

郎雖

備負執戟以衛賓謁不肅出入無度

殿中成市或鼓或鞞忘其廊廟而

聚夫逋逃四方多罪載號載呶

書太誓惟四方之多罪逋逃是

崇是長是信是使蕩詩曰式號式呼俾畫作夜

人立朝議士充庭

有德進則公論明朝廷肅

祿臣司光敢告執

經

經綱也

衛尉箴

衛尉秦官掌官門衛屯兵屬官有司馬衛士旅賁三令丞

茫茫上天崇高其居設置山險畫為防禦

易天險不

可升也地險山川丘陵也王公設險以守其國

重垠

一作限

累垠以難不律闕

為城衛以待暴卒

易重門擊柝以待暴客

國以有固民

一作人

以有內各保其守永修不敗維昔庶僚官得其

人荷戈而歌中外以堅

庶僚謂宿衛庶官如成周宮伯宮正虎賁太僕司隸

之職歌字疑是趨字旅賁氏掌執戈盾夾王車而趨或曰歌謂衛士優閑而和樂中謂王在宮則有居衛外謂王出則有行衛皆堅密而整備

齊桓休惕宿衛不飭一作勅門非其

人戶廢其職

齊桓休惕於功利作內政之法而成周宿衛之制盡廢

曹子標

劍遂成其詐

公羊傳莊十三年公會齊侯盟于柯升壇曹子手劍而從之願請汶陽之田桓

公與之盟曹子標劍而去之曹劇也劫桓而要盟

軻挾匕首而衛人不寤史記

荆軻持匕首逐秦王群臣皆愕諸郎中執兵皆陳殿下不得上

二世妄宿敗於望夷閭

樂矯搜戟者不誰

史記二世齋於望夷宮趙高與其皆閭樂謀詐為有賊將吏卒千餘

人至望夷宮殿門斬衛令直將吏入郎官者驚走樂麾其兵進二世自殺誰謂誰何也

尉臣司衛敢

告執維

維猶經也

太僕箴

太僕秦官掌輿馬應劭曰周穆王所置也書序穆王命伯冏為周太僕正

肅肅太僕車馬是供鏘鏘和鸞

車上鈴也詩和鸞鏘鏘左傳錫

鸞和鈴

駕彼時龍

易時乘六龍以御天王駕六馬故借用周禮馬八尺為龍

昔在上帝

巡狩四宅

謂時巡至于方嶽之下

王用三驅前禽是射

易

用三驅失前禽禮不合圍也

紂作不令武王征殷檀車孔夏四

駟孔所

大明詩牧野洋二檀車煌二駟駟彭二涼彼武王肆伐大商疏檀木之兵車駟駟馬赤色黑鬣

也檀弓亦言戎事乘駟因武王所乘遂為一代常法僕夫執轡

音條轡也詩轡革冲二

載駢

載駟我輿云安我馬惟閑雖馳雖驅匪逸匪恣

以上言車馬皆有法度如此

昔有

一作在

淫羿馳騁忘歸

羿好馳騁田獵即虞

箴所謂冒于原獸也

景公千駟而淫於齊

論語齊景公有馬千駟民無德而稱焉

詩好牡馬牧於駟野輦車就牧而詩人興魯魯頌

駟二牡馬在駟之野又曰以車彭二思無疆思馬斯藏此詩贊美魯僖公雖名爲頌實猶興也既焚問人

仲尼厚醜醜類也問人而不問馬所以重其類也孟子蓋惡夫既

多肥馬而野有餓殍方九反斃也孟子作莩僕臣司駕敢告

執皂皂隸也左傳臺臣皂

廷尉箴

廷尉秦官掌刑辟景帝更名大理復爲廷尉

天降五刑惟夏之績書天討有罪五刑五用哉言天設此五刑而制其輕重惟夏禹之功

故穆王訓夏贖刑亂茲平民不回不辟治亂曰乱回僻皆邪也辟與僻同昔

在蚩尤爰作淫刑延于苗民夏氏一作禹不寧禹征

苗殄絕其世
見呂刑之書

穆王耄荒甫侯伊謀五刑訓天周以

阜基

呂刑惟呂命王享國百年耄荒度作刑以詰四方
訓天謂稱天以訓刑也觀其書可見呂侯後爲甫

侯故或稱甫刑禮記九
制五刑必即天論也

厥後凌遲上帝不觚

論語觚不
觚酒器有

觚取其形制之觚稜因以爲名叔世任情漫焉無
法猶觚之不觚也天監在上亦不觚之矣

周輕其

制秦繁其辜五刑紛紛靡遏靡止寇賊滿山刑

者半道

漢刑法志秦用商鞅造參夷之誅增加肉刑至
於始皇專任刑罰姦邪並生赭衣塞路天下愁

怨漬而
叛之

昔唐虞象刑天民是全

書方施象刑惟明揚
子垂拱而視天民之阜

紂作炮烙墜民于淵

劉向列女傳紂爲炮烙之法膏
銅柱加之炭令有罪者行其上

輒墮
炭中

故有國者無云何謂是則是劓無云何害

是剝是剖

一作割

惟虐惟殺人莫予桀以刑顛秦

以酷敗獄臣司理敢告執謁

主賓客之謁者

大鴻臚箴

典客秦官掌諸侯歸義蠻夷武帝更名大鴻臚

蕩蕩唐虞經通垓極

論語蕩蕩乎民無能名焉垓極謂四荒之垠際也

陶

陶百王天工人力

書天工人其代之

畫爲上下羅

一作條該羅

百職人有材能察有級差遷能授官各有攸宜

主以不廢官以不墮昔在三代二季不蠲

夏商之季

謂桀紂不蠲言昏濁也

穢德慢道署非其人

署謂建置也

人失

其材職反其官采察荒耄國政如漫文不可武

武不可文

言文武之職各有攸司

大小上下不可奪倫鴻臣

司爵敢告在隣

君之左右虞書欽四隣

宗正箴

宗正秦官掌親屬周成王之時彤伯爲宗伯

巍巍帝堯欽親九族

論語巍二乎其有成功堯典欽明文思以親九族

經

哲宗伯禮有攸訓

虞書伯夷爲秩宗成王時彤伯爲宗伯皆掌禮之官

屬有攸

籍各有育

又裔

子世以不錯

育與胄同義書注胄長也說文引教胄子作教育子胄子

正則世系不紊亂言國家之本所繫

昔在夏時太康不恭有仍二女五

子家降

太康夏啓子也盤于遊田爲昇所逐不得返國五子太康五弟也詳見書五子之歌家降謂太康失邦五子皆

降而爲家楚詞夏康娛以自縱不顧難以圖後兮五子用失乎家街有仍氏國名

晉獻悖統宋宣

亂序

晉獻公惑於驪姬太子申生遭譖而自殺晉立奚齊卓子皆遇弒宋宣公舍其子而立弟繆公齊

桓不胤而忘其宗緒

齊桓公無嫡嗣多內寵及卒五公子爭立齊以大亂言不

立嫡繼是忘其宗統也

周譏戎女

周襄王以翟女焉后翟入周王出奔鄭

魯喜子同

魯桓公六年子同生公羊子曰喜有正也

高作秦崇而扶蘇被幽宗廟荒

墟竟靈靡附

秦始皇死於沙丘趙高矯詔賜太子扶蘇死而立胡亥秦以亡

伯臣司

宗敢告執主

掌宗廟之木主者

大司農箴

治粟內史秦官掌穀貨景帝更名大農令武帝更名大司農屬官有太倉均輸平準

都內籍田五令丞

時惟大農爰司金穀自京徂荒粒民是斛

由天

子之都至荒服養民則均書烝民乃粒

肇自厥初實施惟食厥

僚后稷有無遷易

唐虞時并居稷官書懋遷有無化居

實均實贏惟

都作程旁求衣食厥民攸生上稽二帝下閔三

王什一而征爲民作常遠近貢篚百姓一作不

忘

貢助徹皆什一也是爲經常之法篚什一之外則有貢篚之物以遠近爲差見禹貢

帝王之盛

咸在農殖季周爛漫而東作不勅膏腴不穫庶

物並荒

自周宣王不籍千畝是後人君不知務農重穀時則有楚茨南田等刺詩

府藏單虛

靡積靡倉

載去声公劉詩廼積廼倉

陵遲衰微姬卒以痒

痒病也

秦收太半二世不瘳泣血之末海內無聊

秦廢井田

之法收太半之賦二世而亡民罹荼毒至於泣血

農臣司均敢告執繇

與繇同役也

少府箴

少府秦官掌山海池澤之稅以給供養

實實少府奉養是供紀經九品臣子攸同

言上以共

養一人與下以廩給百官財用實相通

海內幣帑祁祁如雲家有孝

子官有忠臣共僚率舊聖則越遵

聖立則度所當遵守越與學同

民以不擾國以不煩昔在帝季癸辛之世酒池

糟隄而象箸以噬

癸禁名辛紂名二君淫酒以酒爲池積糟爲隄又紂爲象箸而箕子唏

至於耽樂流酒而妲末作崇

妲已末喜紂之嬖妾

共寮不

御不恢夏殷喪其國康而卒以陵遲嗜不可不

察欲不可不圖未嘗失之於約常失於奢府臣

司共敢告執觚

共與供同觚酒器有稜者

執金吾箴

中尉秦官掌徽循京師武帝更名執金吾應邵曰吾禦也執金華以禦非常顏師古曰金吾鳥名也主辟不祥職主先導執此鳥之象因以名官

溫溫唐虞重襲純孰經表九德張設武官

楊子溫二

乎其和可知言重熙累洽之世武臣亦不可廢虞書九德咸事俊乂在官以御寢賊如虎有

牙如鷹有爪

詩祈父子王之爪牙

國以自固獸以自保牙爪

蔥蔥動作宜時用之不理實反生灾

蔥二錫利貌言威武

不可輕用秦政

始皇名

暴戾播其威虐亡其仁義而思

其殘酷猛不可重任威不可獨行堯咨虞舜惟

思是尚

思字當作欽

吾臣司金

據此則應邵之說是

敢告執璜

執璜文臣

將作大匠箴

將作少府秦官掌治宮室景帝更名將作大匠

侃侃將作經構宮室墻以禦風宇以蔽日寒暑

攸除鳥鼠攸去

詩斯于風雨攸除鳥鼠攸去

王有宮殿民有宅居

上下俱欲得其安

昔在帝世茅茨土階夏卑宮觀在彼溝

洫

堯舜之世茅茨不剪土階三尺洫論語禹卑官室而盡力乎溝洫

桀作瑤臺紂爲琬

一作璇

室人力不堪而帝業不卒

王飾其居以奢喪國

詩詠宣

王由儉改奢

詩斯于宣王考室也其詩曰桀室百堵西南其戶又曰上堯下桀乃寢斯安皆儉約

之制也

觀豐上六大屋小家

易豐卦上六豐其屋蔭其家

春秋譏

刺書彼泉臺兩觀雉門而魯以不恢

春秋文十六年毀泉

臺定二年新作雉門及兩觀公羊子皆曰譏或作長府而閔子不仁論語

為長府閔子曰何必改作蓋秦築驪阿嬴姓以顛秦役

譏其廣府庫為富不仁也山又築阿房官未成而秦亡史記故秦之先是為柏翳舜賜姓嬴氏人君無去我貴穰

題是遂母云我富淫作極遊在彼墻屋而忘其
國戮作臣司匠敢告執猷

城門校尉箴

城門校尉掌京師城門屯
兵有司馬十二城門候

幽幽山川徑塞九路盤石唐芒襲險重固此天

然之國有城溝家有柝柵各有攸堅民以不虞地自

大小各德懷其內險難其外王公設險而承以有所宜

盤蓋

易坎卦王公設險以守其國盤所以藉其下蓋所以護其上言先王以德履靈斯民而安集之猶器

之有盤蓋不獨恃城池以為險

昔在上世有殷有夏

言夏殷先哲王定有天下

之子孫

癸辛不德而設夫險阻湯武爰征而莫

遏莫禦

說苑吳起對魏武侯曰夏桀之居左河濟右太華伊闕在其南羊腸在其北修政不仁湯放之

殷紂之國左孟門右太行常山在其北大河經其南修政不德武王伐之由此觀之在德不在險

作君之

危

書無安厥位惟危

不可德少而城溝伊保不可德希

而城溝是依唐虞長德而四海永懷秦恢長城

而天下畔乖

秦逆天地而為險故天下潰叛

尉臣司城敢告侍階

上林苑令箴

武帝初置水衡都尉掌上林苑屬官有上林令丞